


增定廬山志



序

三峨秀麗甲於震旦四望無可
偶者正東一點青色如煙相傳
爲匡廬君也匡廬一名天子鄣
又名天子都蓋尊之也其山居

李序一

江湖之會禹貢東滙澤爲彭蠡
潯陽爲九派自有天地以來江
湖之滙此爲最勝其山之勝全
以泉泉在康王谷名曰谷簾泉
陸羽茶經品谷簾爲天下第一

在中泠惠泉之上從可知矣先
是晉慧遠從雁門來云此山類
靈鷲峯託跡東林於時有宗炳
雷次宗劉程之等號十八高賢
共真信之士結白蓮社故晉代

李序二

名山惟匡廬最著以其有永遠
宗雷及陶謝諸公故也自是而
後李白讀書五老峯下白樂天
有香爐峯草堂之建蘓子瞻子
由有三峽橋棲賢之遊蓋當是

時遊屐所至勝情逸韻莫踰於
諸子者矣至若陶淵明悠然見
南山卽匡廬也而不露廬山一
字陶之詩卽廬山之真面目也
噫嘻洞天福地多矣國家投金

李序三

龍玉簡於天下名山洞府如王
屋委羽等三十六洞天如地肺
抱犢等七十二福地非不名勝
然未有如廬山之詠真洞天爲
江湖都會外九江而內彭蠡之

爲最勝與王屋小有清虛之天
委羽大有虛明之天同一光明
景曜上真登封之地信不虛也
曩閱桑子木廬山紀事恨遺文
散失如周景式陳舜俞戴師愈

李序四

諸紀傳皆不及見卽有之亦僅
存什一於千百余不敏讀書棲
賢寺者十餘年忝主白鹿洞者
三年又葬先孝義於山中每登
頓之際見百年之內遺文往往

散失浩歎者久之會燕山粲叟
吳公視學吾土慨然獨任修葺
其蒐羅之博考訂之精古人無
以復踰又得淮南李子鏡月其
事凡山之遠近原委無一不流

李序五


覽山之古今誤述無一不采擇
余憶前此與王季重遊與譚友
夏遊余雖未與粲叟公及鏡月
遊而讀其書又如與之同遊矣
莊生云逃空虛者聞人足音則

蛩然而喜矧吾豫章之名山若
匡廬者而得是書爲之傳述其
不朽盛事俾余輩狂熹更何如
者遂書此以爲之序

康熙戊申孟冬上浣部內閩風

李序六

山人南州李明睿謨時年八
十有四



序

匡廬山舊志久失傳自吾鄉桑侍御創爲紀事紀事卽志也夫志之名何昉乎周禮小史以紀邦國則志之所由始也溯之有夏之代禹貢山海經並傳焉論衡曰禹益並治洪水禹主治水益主記異物海外山表無遠不至以所聞見作山海經則山水諸志之始也三代而下迄於齊梁志地者二百四十餘家獨漢桑欽水經倣禹貢山海經體成書所引天下之水百三十有七支分條析盡其大概後魏酈道元取而注之其旁摭異聞摹寫

廬山志

李序

一

思堂

景物最爲學士家所歎賞隋唐而後固未有過之者也匡廬者天下之名山也自六代唐宋以來所稱山水之靈異幾與五嶽埒明嘉靖時桑公子木攷疆域辯原委鉤採羣籍倣郭鄴二注之體而加詳焉使數百里怪偉奇麗之狀瞭若指掌亦近代不刊之書也乙巳之歲余偕閔子賓連渡彭蠡歷覽廬阜南北實賴茲編爲嚮導但桑紀之成距今百年矣其間事蹟謬述頗增益於往昔惜多散逸無從稽攷且子木先生以旅寓潯陽無由備典籍以稽往躅其見於自序者常反覆有遺憾後之

人竟無有廣蒐博攷哀然成一書以補前賢所未備者
余遊匡廬後與宣城施公愚山相遇於南州欲余與實
連續爲編葺余遂巡謝不敏旣而自思曰桑先生者吾
郡之先賢以糾分宜謫九江滄溟李氏所稱廣陵十先
生之一也卽固陋如余不敢任紀志之萬一然墮鄉先
生燉業不繼廢古今名賢撰著不載抑後學小子之罪
也夫歸而與同人謁蹶從事越丙午丁未二載會黎叟
吳公視學豫章舟次蔡郵首以匡廬志事見屬廼鍵戶
小齋獲卒業焉或曰桑先生糾事者志之別體也踵其

廬山志

李序

二

日思堂

事而變其體昔之人蓋有待矣然匡廬之磅礴鬱積所
謂愈入愈奇而不可窮者迥異於他山其間耳治目治
之異其事所見所聞所傳聞之異其時志之蓋其難哉
若夫倣禹貢山海經爲之綱郭鄴諸注爲之目則紀事
一書固志之正體也弗可易也或又曰昔人之撰述也
非有關於正誼經世君子無取焉志之成識者善之否
乎然余歷攷往牒有以人係地者有以地係人者人係
地者詳乎其地地係人者詳乎其人詳乎其地者地重
詳乎其人者人重今志之所載於往代理學經濟節義

隱逸諸賢孳孳稱述焉其於聖人之道亦庶幾其有合也稿既成吳公更徵購在籍手自論定增其未備補其不逮名曰廬山志刻於豫章余乃謹述巔末爲之序
康熙七年歲在著雍涒灘律中中呂月淮南李滢謨



廬山志

李序

序

舊序

喬在九江屏居廬北林隱菴省愆之暇漫輯錄廬山古今事旣久遂成篇帙目之曰廬山紀事藏諸篋笥聊以自娛非敢傳之作者也他日淮海孫公見之曰夫廬山亞於五嶽而圖記弗備好古者有遺憾矣是作雖蕪穢然姑以備覽攷抑亦俟博雅君子之訂正焉山誌其有興乎莫爲之前孰圖其全踵其事而增華變其體而加麗庸有在矣因與四橋陶公筆山廬公捐俸梓之射陂朱侯董而成之旣竣喬執卷而歎曰嗟夫紀事有三愆

廬山志

舊序

一

日思堂

而鄙倍不與焉其一古之名賢如周景式廬山記張僧鑿潯陽記諸篇今不及見獨見其數語於類書中而宋陳舜俞廬山記馬玕續廬山記戴師愈廬山文物列傳並稱名作亦構之不得顧獨以己意撰述去取無章程潛德休光多所闕遺闕而不宜無以式遠其二古今名賢篇什不爲少矣喬旅泊旣乏典籍以稽往躅卽今時縉紳先生諸名製山僧羽流不能珍藏散逸者十九雖屢搜羅亦無從得其蹟也逸世之珍泯焉無聞進不能煥人文昭盛世之多才退不能爲茲山增重其三九

者喬之并州也事宜內山北業旣已成編矣雙江方公見之曰是爲九江南康言非爲廬山言也夫苟爲廬山言則宜先山之面者也捨其面而背是先議者將謂斯何且使子志二郡內九江可也子以子觀廬山不若以天下觀廬山亟易諸喬無以奪其議也故紀事先山南嗟夫巴人下里之言不入於師曠之耳喬小子何以掩其瑕亦聊以藉手就正於有道得謏聞焉儻可免於龔贖乎廣陵桑喬子木甫序

嘉靖辛酉四月二十又四日

廬山志

舊序

二

日思堂

廬山志凡例

一創始桑子木先生廬山紀事非志也然他人以志志山而志亾先生以不志志山而志存其間事蹟之闕略者十之一二藝文之挂漏者十之七八因其人及其事而汎濫載之者亦千百之什一焉然質而不僿文而不靡山水之脉絡之源流離離昭晰矣今是編悉存原本無敢稍有放佚先民之繩尺儼然焉以見吾儕之傾倒於桑者至矣

一重訂語曰因則工專則拙然因與專皆難言之矣余

廬山志

凡例

一

日思堂

自通籍以來山水泉石之嗜未嘗以劇自撓茲抵豫章謬以匡廬志事自任徵購羣籍不憚僻遠爰取桑紀所未備者若星野若輿地若祀典若藝文以至浮屠方外之說次第臚列校士之暇焚膏繼晷一出入斷斷焉試與匡山諸近刻絮長較短其以質之匡君

一編閱山副嶽者也其典籍又最夥雞之跖狐之腋非旦夕之事矣是編李子鏡月自乙巳與施少參愚山相訂後曹倉鄴架無不繙閱替撤鍵戶編輯幾及二

載又得閔子賓連廣任蒐羅寒之夜暑之晝一事一
詞之有裨者必亟以告焉而周憲副伯衡與陳子伯
璣孔君六府賈子言臣修來王子子芳則相與篝燈
商確其事蹟之益於舊者顏二字於上曰續志詩文
之益於舊者註一字於傍曰增並書以實不匿美也
一體裁是編志山也非志南康九江兩郡不汎及宜也
若夫因原及原因隰及隰其迤邐近於匡廬者載其
他臨汎者停泊者登眺者贈送者非有所稱述於廬
山不載至人物詩文不揣指某地者各以類從列隱

廬山志

凡例

二

日思堂

逸僊釋於卷首仍桑舊也其分載藝文於卷末非桑
舊也至題畫諸詩文亦稍附入無所取之取其人與
文足多云爾

一辯證名號之從同同也莫若二氏諸寺觀矣廬山詩
紀所載若王維之香積常建之破山許渾之竹林蘓
長公之虎跑泉及昌黎山石王安石錦繡谷之類攷
諸原集確然非廬山明矣今本不錄核實也至魯魚
亥豕之訛同人兢兢校讐然繕寫剞劂藁數易矣能
無一誤取之落葉之喻庶免擲掄乎

一選定語曰紀遠宜詳紀近宜略失是者非志固也然
今之近後之遠也近者略遠者何由詳茲編凡漢魏
六朝唐人諸詩文咸備錄宋元以來始從選其間前
代之名賢多載之今之有盛名及共事茲編者又廣
載之積之丘如蠲之澗如要風尚無所於失也
一辯訛改向秀之莊註竊景升之化書昔之人非僅一
譏再譏矣乃今之世此患尤甚失今不爲考證數世
而下夫誰辯之是編引用書籍悉遵紀事例詳載某
姓某名某書其近刻之舛訛者必訂正焉不惟前人
無媿焉是兩得之術也

廬山志

凡例

三

日思堂

一繪圖匡廬之懷靈抱異瞬息變換非圖繪所能囊括
然與其略也毋寧詳乎近見金陵梵刹志每名刹各
繪一圖於卷首勝止列總圖者遠甚適郭郡丞雲門
米建昌紫來新任康郡翰墨皆擅一時遂倣前代諸
名家畫法列圖於各卷在目之所未至者旣可以臥
遊而繪事六法之妙具備焉在昔紀志之書足供賞
鑑若此者余未之前聞

一徵遺聞未聞見未見存乎其人有待者也廬山諸舊
文若水經註所引王彪之孫放廬山賦書缺有間矣
二其他以鮮見寡聞不無桂漏儻有蒐响屢之字記石
鼓之文惠寄補入俾無遺憾文以獻傳獻以文紀在
博洽之君子耳

北平吳煒粲叟氏撰

廬山志

凡例

四

日思堂

重修廬山志爵里姓氏

總督江南江西等處地方文武事務兼理糧餉操江兵部

尚書兼都察院右副都御史郎廷佐臣一滿洲籍遼東人

總督江南江西等處地方文武事務兼理糧餉操江兵部左

侍郎兼都察院右副都御史麻勒吉謙六滿洲人壬辰狀元

巡撫江西等處地方工部尚書兼都察院右副都御

史加至正一品又加二級董衛國佑君奉天遼陽人貢士

江西等處承宣布政使司布政使李翀霄息六山西絳州人貢拔

江西等處提刑按察使司按察使塗應泰天交遼東鐵嶺人恩貢

廬山志 爵里姓氏 一 日思堂

提督江西通省糧務布政司叅政彭士聖青琳奉天遼陽人甲午

提督江西通省學政按察司僉事吳焯粲順天籍福戊子

南康府知府廖文英昆湖廣東廉州人歲貢

九江府知府陳謙致恭河南祥符人巳卯

南康府同知郭友龍雲門河南洛陽人貢士

九江府同知陶士章漢為浙江會稽人甲午

星子縣知縣劉理騰輝北直安肅人貢士

建昌縣知縣米漢雯紫順天宛平籍辛丑

德化縣知縣張應午心義遼東廣寧人生